

七言詩

卷肆



七言詩歌行鈔卷十二目次

陸放翁詩七十八首



夜宿陽山磯將曉大雨北風甚勁俄頃行三百餘里
遂抵雁隨浦

醉中歌

上巳臨川道中

題十八學士圖

石首縣雨中繫舟戲作短歌

瞿塘行

蹋磧

七言詩卷十二目次

風雨中望峽口諸山奇甚戲作短歌

秋晴欲出城以事不果

驛舍海棠已過有感

山南行

遊錦屏山謁少陵祠堂

東津

東山

綿州錄事參軍廳觀姜楚公畫鷹少陵爲作詩者

遊漢州西湖

西郊尋梅

偶憶萬州戲作短歌

驛舍見故屏風畫海棠有感

凌雲醉歸作

玻瓈江

九月十六日夜夢駐軍河外遣使招降諸城覺而有

作

成都行

十月一日浮橋成以故事宴客凌雲

嘉州守宅舊無後圃因農事之隙爲種花築亭觀甫

成而歸戲作長句

七言詩卷上夏

十月十九日與客飲忽記去年此時自錦屏歸山南

道中小獵今又將去此矣

得韓無咎書寄使胡時宴東都驛中所作小闕

斷碑歎

蜀酒歌

醉後草書歌詩戲作

十二月十一日視築隄

苦筍

睡起試茶

同何元立賞荷花追懷鏡湖舊游

怡齋

蒸暑思梁州述懷

觀小孤山圖

神山歌

度祿

題宇文子友所藏薛公鶴

聽琴

龍眠畫馬

山中得長句戲呈周輔并簡朱縣丞

長歌行

七言詩卷三目次

臨別成都帳飲萬里橋贈譚德稱

丈人觀

離堆伏龍祠觀孫太古畫英惠王像

登灌口廟東大樓觀嶓江雪山

眉州郡燕大醉中閒道馳出城宿石佛院

初到榮州

太液黃鵠歌

夜聞浣花江聲甚壯

謁諸葛丞相廟

醉中長歌

春感

題明皇幸蜀圖

對酒

遊圓覺乾明祥符三院至暮

夏白紵

夜宴卽席作

出塞曲

初春出遊

和范舍人永康青城道中作

贈宋道人

七言詩卷二頁末

大雪歌

故蜀別苑在成都西南十五六里梅至多有兩大樹

天矯若龍相傳謂之梅龍子初至蜀嘗爲作詩自

此歲常訪之今復賦一首丁酉十一月也

大風登城

芳華樓賞梅

遊諸葛武侯書臺

眉州披風榭拜東坡先生遺像

順風舟行甚疾戲書

舟中對月

漁翁

遊萬州岑公洞

醉中下瞿塘峽中流觀石壁飛泉

岳陽樓

自雪堂登四望亭因歷訪蘇公遺迹至安國院

荆溪館夜坐

七言詩歌行鈔卷十二

宋

濟南 王士禛 選

陸放翁詩七十八首

夜宿陽山磯將曉大雨北風甚勁俄頃行三百餘里

遂抵雁隨浦

五更顛風吹急雨倒海翻江洗殘暑白浪如山潑入船家人驚怖篙師舞此行十日苦滯留我亦蘆叢厭鳴榔書生快意輕性命十丈蒲帆百夫舉星馳電驚三百里坡隴聯翩雜平楚船頭風浪聲愈厲助以長笛颺鼉鼓豈惟流漲震山嶽直恐瀕洞連后土起看草木盡南靡水鳥號鳴集洲渚稽首龍公謝風伯區區未禱煩神許應知老去負壯心戲遣窮途出豪語

醉中歌

吾少貧賤真靡儒貪食嗜味老不除折腰斂版日走趨歸來聊以醉自娛長餅巨榼羅盃孟不須漁翁勸三閩牛尾膏美如凝酥貓頭輪困欲專車黃雀萬里行頭顱白鵝作鮓天下無潯陽糖蟹徑尺餘吾州之燁尤嘉蔬珍盤餽飣百味俱不但項鬻與腹腴悠然一飽自笑愚顧爲口腹勞形軀投効行矣歸園廬莫厭粗飯嘗黃蘗

上巳臨川道中

二月六夜春水生陸子初有臨江行溪溪橋斷不得度城
近卧聞吹角聲三月三日天氣新臨川道中愁殺人織織
女手桑葉綠漠漠客舍桐花春平生怕路如怕虎幽居不
省游城府鶴軀苦瘦坐長飢龜息無聲惟默數如今自憐
還自笑斂版低心事年少儒冠未恨終自誤刀筆最驚非
素料五更欹枕一淒然夢裏扁舟水接天紅蕖綠芰梅山
下白塢朱樓禹廟邊

題十八學士圖

隋日昏曠東南傾雷塘風吹草木腥平時但忌黑色兒不
知乃有虬鬚生晉陽龍飛雲滃滃關洛萬里即日平東征
歸來脫金甲天策開府延豪英琴書閒暇永清晝簪履光
彩明華星高參伊呂列佐命下者才氣猶崢嶸但餘一恨
到千載高陽繆公來竄名老奸得志國幾喪李氏誅徒連
孤嬰向令亟念履霜戒危亂安得存勾萌眾賢一佞齷尙
爾掩卷涕淚臨風橫

石首縣雨中繫舟戲作短歌

庚寅去吳西適楚秋帆孤舟泊江渚荒林月黑虎欲行古
道人稀鬼相語鬼語亦如人語悲楚國繁華非昔時章華
臺前小家住茆屋雨漏秋風吹悲哉秦人眞虎狼欺負六
國囚侯王亦知興廢古來有但恨不見秦先亡開窗酌汝

一盃酒等爲亡國秦更醜驪山家破已千年至今過者無
傷憐

瞿塘行

四月欲盡五月來峽中水漲何雄哉浪花高飛暑路雪灘
石怒轉晴天雷千艘萬舸不可過篙工舵師心膽破人人
陰拱待勢衰誰敢輕行犯奇禍一朝時去不自由山腹空
有沙痕留君不見陸子歲暮來夔州瞿塘峽水平如油

蹋磧

鬼門關外逢人日蹋磧千家萬家出竹枝慘戚雲不動劍
氣聯翩日將夕行人十有八九瘦見慣何曾羞顧影江邊
沽酒沙上臥峽口月出風吹醒人生未死信難知顛顛夔
州生鬢絲何日畫船搖桂楫西湖卻賦探春詩

風雨中望峽口諸山奇甚戲作短歌

白鹽赤甲天下雄拔地突兀摩蒼穹凜然猛士撫長劍空
有豪健無雍容不令氣象少淳滴常恨天地無全功今朝
忽悟始歎息妙處元在煙雨中太陰殺氣橫慘淡元化變
態含空濛正如奇才遇事見平日乃與常人同安得朱樓
高百尺看此疾雨吹橫風

秋晴欲出城以事不果

古人一去不可回今人日夜歸泉臺浮生細看只此是到

死自苦何爲哉務名飾詐竟一世忍寒觸熱忘其骸不令
金樽映翠杓坐待白骨生蒼苔清秋九月瘴如洗白鹽干
仞高崔嵬荒庭落葉不可埽惟有叢菊爭先開灑西黃柑
霜落爪溪口赤梨丹染腮熊肪玉潔美香飯鮓鱗花糝宜
新醅南窗病起亦蕭散甚欲往探城西梅一官底處不敗
意正用此時持事來

驛舍海棠已過有感

淒涼古驛官道傍朱門沈沈春日長暄妍光景老海棠顛
風吹花滿空廊物生榮頽固其常惜哉無與持一觴游蜂
戲蝶空自忙豈知美人在西廂我雖已老猶能狂竚立爲
爾悲容光盛時不遇誠可傷零落逢之更斷腸

七言詩卷上

四

山南行

我行山南已三日如繩大路東西出平川沃野望不盡麥
隴青青桑鬱鬱地迎函秦氣俗豪鞦韆蹴踘分朋曹首宿
連雲馬蹄健楊柳夾道車聲高古來歷歷興亡處舉目山
川尚如故將軍壇上冷雲低丞相祠前春日莫國家四紀
失中原師出江淮未易吞會看金鼓從天下卻用關中作
本根

游錦屏山謁少陵祠堂

城中飛閣連危亭處處軒窗臨錦屏涉江親到錦屏上卻

望城郭如丹青虛堂奉祠子杜子眉宇高寒照江水古來
磨滅知幾人此老至今元不死山川寂寞客子迷草木搖
落壯士悲文章垂世自一事忠義凜凜令人思夜歸沙頭
雨如注北風吹船橫半渡亦知此老憤未平萬竅爭號泄
悲怒

東津

歲暮涪江水歸壑白沙渺然石犖确蜀天常燠少雪霜綠
樹青林不搖落闌干詰曲臨官道煙靄參差望城郭打魚
斫膾脩故事豪竹哀絲奉歡樂樂莫樂于新相知美人一
笑回春姿四方本是丈夫事安用一生無別離

東山

今日之集何佳哉入關劇飲始此回登山正可小天下跨
海何用尋蓬萊青天肯爲陸子見妍日似趣梅花開有酒
如涪綠可愛一醉直欲空千壘醪酥鵝黃出隴右熊肪白
玉黔南來眼花耳熱不知夜但見銀燭高花摧京華故人
死大半歡極往往潛生哀聊將豪縱壓憂患歌吹動地聲
如雷

綿州錄事參軍廳觀姜楚公畫鷹少陵爲作詩者

我來訪古涪之濱不辭百罔冀一眞走馬朝尋海樛館斫
膾夜醉魴魚津越王高樓亦已換俯仰今古堪悲辛督郵

官舍最卑陋棟撓楹腐知幾春巋然此壁獨亡恙老槎勁
翮完如新向來劫火何自免叱呵守護疑有神狐狸九尾
穴中國其置不問如越秦他時此物合致用下鞞指呼端
在人會當原野灑毛血坐令萬里清煙塵老眼還憂不及
見詩成肝膽空輪囷

遊漢州西湖

房公一跌叢眾毀八年漢州爲刺史遠城鑿湖二百頃島
嶼曲折三四里小庵靜院穿竹入危榭飛樓壓城起空濛
煙雨媚松楠顛倒風霜老葭葦日月苦長身苦閒萬事不
理看湖水向來愛琴雖一癖觀過自足知夫子畫船載酒

七言詩卷十一

六

凌湖光想公樂飲千萬場歎息風流今未泯兩川名醞避

鵝黃

鵝黃漢中酒名
蜀中無能及者

西郊尋梅

西郊梅花矜絕豔走馬獨來看不厭似羞流落蒙市塵甯
墮荒寒傍茆店翛然自是世外人過去生中差一念淺顰
常鄙桃李學獨立不容鸞蝶覘山礬水仙晚角出大是春
秋吳楚僭餘花豈無好顏色病在一俗無由砭朱欄玉砌
渠有命斷橋流水君何欠嗟余相與頗同調身客劍南家
在剡淒涼萬里歸何日蕭颯二毛衰有漸尙能作意晚相
從爛醉不辭盃澣豔

偶憶萬州戲作歌

峽中天下最窮處萬州蕭條誰肯顧去年正月偶過之曾
爲巴人三日住南浦尋梅雪滿舟西山載酒雲生屨至今
夢聽竹枝聲燈火紛紛驛前路殘春猶客蜀江邊陳迹回
思一愴然漸老定知歡漸少明年還復憶今年

驛舍見故屏風畫海棠有感

厭煩只欲長面壁此心安得頑如石杜門復出歎習氣止
酒還開慚定力成都二月海棠開錦繡裏城迷巷陌燕宮
最盛號花海霸國雄豪有遺迹猩紅鸚綠極天巧疊萼重
跗眩朝日繁華一夢忽吹散閉眼細思猶歷歷憂樂相尋

七言詩卷十一

七

豈易知故人應記醉中詩夜闌風雨嘉州驛愁向屏風見
折枝

凌雲醉歸作

峨嵋月入平羌水歎息吾行俄至此謫仙一去五百年至
今醉魂呼不起玻瓈春滿琉璃鍾

玻瓈春眉
州酒名

宦情苦薄酒

興濃飲如長鯨渴赴海詩成放筆千觴空十年看盡人間
事更覺麴生偏有味君不見葡萄一斗換得西涼州不如
將軍告身供一醉

玻瓈江

玻瓈江水千尺深不如江上離人心君行未過青衣縣妾

心先到峨眉陰金罇其醜不知曉月落煙渚天橫參車輪
無角那得住馬蹄不方何處尋空憑尺素寄幽恨縱有綠
綺誰知音秋來只欲掩屏睡無奈夢斷聞疎砧古樂府安
得雙車輪
一夜生四角唐人詩云長安塵土中馬
蹄圓重重郎馬蹄不方何處認郎蹤

九月十六日夜夢駐軍河外遣使招降諸城覺而有

作

殺氣昏昏橫塞上東竝黃河開玉帳晝飛羽檄下列城夜
脫貂裘撫降將將軍櫪上馬血汗猛士腰閒虎文韞階前
白刃明如霜門外長戟森相向朔風卷地吹急雪轉盼玉
花淡一丈誰言鐵衣冷徹骨感義懷恩如挾纊羌胡窟穴

七言詩卷十二

八

一洗空太行北嶽元無恙更呼斗酒作長歌要取天山健
兒唱

成都行

倚錦瑟擊玉壺吳中狂士游成都成都海棠十萬株繁華
盛麗天下無青絲金絡白雪駒日斜馳遣迎名姝燕脂襯
盡見玉膚綠鬢半脫嬌不梳吳綾便面對客書斜行小草
密復疎墨君秀潤瘦不枯風枝雨葉筆筆殊月浸羅襪清
夜徂滿身花影醉索扶東來此歡墮空虛坐悲新霜點鬢
鬚易求合浦千斛珠難覓錦江雙鯉魚

十月一日浮橋成以故事宴客淺雲

陰風吹雨白晝昏誰掃雲霧升朝噉三江水縮獻洲渚九
頂秀色欲塞門西山下竹十萬箇江面便可馳車轅巷無
居人亦何怪釋未來看空山村竹枝宛轉秋猿苦桑落激
灑春泉渾泓賓其醉忘燭跋一徑卻下緣雲根走沙人語
若潮卷爭橋炬火如星繁肩輿睡兀到東郭空有醉墨留
衫痕十年萬事俱變滅點檢自覺惟身存寒燈夜永照耿
耿臥賦長句招羈魂

嘉州守宅舊無後圃因農事之隙爲種花築亭觀甫
成而歸戲作長句

吾州山水西州冠正欠雄樓并傑觀奇峰秀嶺待彈壓明

七言詩卷十一

九

月清風須判斷二峩舊不到郡齋創爲詩人供几案煙雲
舒卷水墨圖草木青紅錦繡段一時冠蓋共登臨百年父
老俱驚惋縈回舞袖試弓彎宛轉歌聲學珠貫佳人蜂蝶
爭遶鬢上客龍蛇看揮翰寓公雖作一月留梅發東吳歸
思亂兒戲聊成此段奇陳迹應留後人歎明朝艇子沂平
羌卻伴謫仙遊汗漫

十月十九日與客飲忽記去年此時自錦屏歸山南
道中小獵今又將去此矣

去年縱獵韓壇側玉鞭自揆南山雪今年痛飲蜀江邊金
盃卻吸峨眉月竹枝歌舞新教成淒怨傳得三巴聲城頭

築觀出雲雨峨眉正與闌干平酒酣詩就擲盃去醉蹋玻
璃江上路懸知幽砌斷橋邊已有梅花開半樹

得韓無咎書寄使胡時宴東都驛中所作小闕

大梁二月杏花開錦衣公子榮傳來桐陰滿地掃不得金
轡玲瓏上源驛上源驛中趙畫鼓漢使作客胡作主舞女
不記宣和妝廬兒盡能女真語書來寄我宴時詩歸鬢知
添幾縷絲有志未須深感慨築城會據拂雲祠

斷碑歎

興元姚節度圍以折碑爲石筍文猶可識蓋
梁蕭懿墓碑簡文爲太子時撰書法道美可

二蕭同起南蘭陵正如文叔與伯升至今人悲大蕭死齋

七言詩卷上

十

恨不見梁家興崇崇之陵久爲谷豈惟羣盜分珠玉斷碑
槎牙棄道邊文字班班猶可讀剗剗苔蘚一淒然俯仰人
閒幾變遷世人作碑君勿哂千載園林須石筍

蜀酒歌

漢州鵝黃鸞鳳雛不鷺不搏德有餘眉州玻瓈天馬駒出
門已無萬里塗病夫少年夢清都曾賜虛皇碧琳腴文德
殿門晨奏書歸局黃封羅百壺十年流落狂不除遍走人
閒尋酒壚青絲玉瓶到處酤鵝黃玻瓈一滴無安得豪士
致連車樹瓶不用盃與盃琵琶如雷聒坐隅不愁渴死老
相如

醉後草書歌詩戲作

朱樓矯首隘八荒綠酒一舉累百觴洗我堆阜崢嶸之胸
次寫爲淋漓放縱之詞章墨翻初若鬼神怒字瘦忽作蛟
螭僵寶刀出匣揮雪刃大舸破浪馳風檣紙窮擲筆霹靂
響婦女驚詫兒童藏往時草檄喻西域颯颯聲動中書堂
余嘗草丞相魯公以下
與夏國主書于政事堂一收朝跡忽十載西掠三巴窮夜
郎山川荒絕風俗異賴有酒美猶能狂醉中自脫頭上幘
綠髮未許侵微霜人生得喪良細事孰謂老大多悲傷

十二月十一日視築隄

江水來自蠻夷中五月六月聲摩空巨魚穹龜牙鬚雄欲
取闔市爲龍宮橫隄百丈臥霽虹始誰築此東平公今日
樂哉適歲豐更不相倚勇赴功西山大竹織萬籠船舸載
石來亡窮橫陳屹立相疊重置力尤在水廟東我登高原
相其衝一盾可受百箭攻蜿蜿其長高隆隆截如長城限
羌戎安得椽筆記始終插江石崖堅可礮

苦筍

藜藿盤中忽眼明駢頭脫襁白玉嬰極知叅介種性別苦
節乃與生俱生我見魏徵殊媚嫵約束兒童勿多取人才
自古要養成放使干霄戰風雨

睡起試茶

笛材細織含風漪蟬翼新裁雲碧帷端溪硯璞斲作枕素
屏畫出月墮空江時朱欄碧欵玉色井自候銀瓶試蒙頂
門前釣啄不嫌渠但恨此味無人領

同何元立賞荷花追懷鏡湖舊遊

少狂欺酒氣吐虹一笑未了千觴空涼堂下簾人似玉月
色冷冷透湘竹三更畫船穿藕花花爲四壁船爲家不須
更踏花底藕但嗅花香已無酒花深不見畫船行天風空
吹白紵聲雙槳歸來弄湖水往往湖邊人已起卽今憔悴
不堪論賴有何郎共此尊紅綠疎疎君勿歎漢嘉去歲無
荷看

怡齋

七言詩卷十一

三

東湖仲夏草樹荒屋古無人亭午涼萱房微呀不見日筍
籜自解時吹香野藤蟠屈入窗罅溼菌扶疎生屋梁跨溪
數椽最幽翳漲水及檻雨敗牆靜涵青蘋舞藻荇閒立白
鷺浮鴛鴦芙蓉雖瘦亦瀾漫照眼翠蓋遮紅妝水紋珍寶
欲卷卻團團素扇嬾復將天風忽送瑯鈴語喚覺清夢遊
瀟湘

蒸暑思梁州述懷

宣和之末予未生遭亂不及游司并從軍梁州亦少慰土
脉深厚泉流清季秋嶺谷浩積雪二月草木初抽萌夏中

高涼最可喜不省舉手驅蝨蟲藏冰一出賣滿市玉璞堆
積寒崢嶸柳陰夜臥千駟馬沙上露宿連營兵胡笳吹墮
漾水月烽燧傳到山南城最思出甲戌秦隴戈戟徹夜相
摩聲兩年劒南走塵土肺熱煩促無時平荒池昏夜蛙閣
閣食案白日蠅營營何時王師自天下雷雨瀕洞收欃槍
老生衰病畏暑溼思卜鄠杜開柴荆

觀小孤山圖

江平風不生鏡面渺千里軻峨萬斛舟遠望一點耳大孤
江中央四面峭插水小孤特奇麗丹翠凌雲起重樓邃殿
神之家帳中美人燦如花遊人徒倚闌千處俊鷓橫江東

北去

七言詩卷十一

三

神山歌

吾聞海中五神山其根載以十五鼇一朝六鼇被釣去岱
輿員嶠沈洪濤尚餘三山巋然在當時不沒爭秋毫如何
蓬萊又已淺忽見平地生藜蒿伏羲迨今幾萬歲世事如
火煎油膏娶妻不敢待翁命治水無暇憐兒號避讒薜楚
僅得免歷聘返魯終不遭老聃關尹亦又死人實危脆無
堅牢有口惟可飲醇醪有手惟可持霜螯勿令他人復笑
汝後有萬世來滔滔

度筴

翩翩翻翻雀受風行人疾走緣虛空回觀目眩浪花上小
跌身裏蛟涎中汗沾兩握色如菜數菜此險私自怪九折
元非叱馭行千金空犯垂堂戒此身老大足悲傷歲歲天
涯憶故鄉安得畫船明月夜滿川歌吹入盤間

題字文子友所藏薛公鶴

仙人騏驎絕世稀卯生凡禽似而非宮保妙筆窮化機編
衣元裳真令威千年華表聊一歸回首幸脫乘軒譏啄吞
不恨菰米微從吾曹遊安得肥

聽琴

疎簾曲檻頰風涼細腰美人藕絲裳綠藤水文字矮牀玉
指纖纖彈履霜高林鶯囀日正長幽澗泉鳴夜未央哀思
不怨和而莊有齊淑女禮自防世人但惑青樓倡琵琶箏
篴雜胡羌試聽一曲醒汝狂文姬指法傳中郎

龍眠畫馬

國家一從失西陲年年買馬西南夷瘴鄉所產非權奇邊
頭歲入幾番皮崔嵬瘦骨帶火印離立欲不禁風吹圉人
太僕空列位龍媒汗血來何時李公太平官京師立仗慣
見渥洼姿斷縑歲久墨色暗逸氣尚若不可羈賞奇好古
自一癖感事憂國空餘悲嗚呼安得毛骨若此三千疋
銜枚夜渡桑乾磧

山中得長句戲呈周輔并簡朱縣丞

鶴鳴山空無鶴來青霞嶂深天壁開千岩角逐互吞吐一

峰拔起矜崔嵬日光微漏潭見底

青霞嶂碧玉潭皆務中佳處

水氣上

薄雲成堆幽禽飛鳴報客至奇樹璀璨知誰栽花藤怪蔓

白晝暗奔猿落狄無時衰路窮尚躡一千級忽見密竹藏

樓臺共言神僧昔住此至今光景如天台檣節負笠出復

沒喜動婦人驚提孩高人何至作狡獪無乃翫世聊相詼

不然學道窮實際詎捨正大崇奇瓌儒林丈人學擅世餘

事尚壓蔡與崔名山未死可再到此士一失難重陪贊府

摘山事如織擺撥領客何奇哉境幽神愴不可住歸倩玉

手傳金杯

朱君有侍兒許爲客出

長歌行

人生不作安期生醉入東海騎長鯨猶當出作李西平手

梟逆賊清舊京金印煌煌未入手白髮種種來無情成都

古寺臥秋晚落日偏傍僧窗明豈其馬上破賊手哦詩長

作寒鷺鳴興來買盡市橋酒大車磊落堆長瓶哀絲豪竹

助劇飲如鉅野受黃河傾平時一滴不入口意氣頓使千

人驚國讐未報壯士老匣中寶劍夜有聲何當凱還宴將

士三更雪壓飛狐城

臨別成都帳飲萬里橋贈譚德稱

成都城南萬里橋蘆根積末風蕭蕭映花碾草鈿車小駐
坡驀澗青驄驕入門翠徑絕窈窕臨水飛觀何岌異判無
功名著不朽惟仗詩酒寬無聊迎霜早已足雉兔微冷便
欲思狐貂喜看縷膾映盤箸恨欠斫蟹加橙椒坐中譚侯
天下士龍馬毛骨矜超遙烏犀白紵謫仙樣但可邂逅不
可招今年一戰馘餘子風送六翮凌青霄美人再拜乞利
市醉墨飛落生鮫綃我衰於世百無用十年不趁含元朝
華纓肯傷蕭颯鬢寶帶那束龍鍾腰祝君好去事明主日
望分喜來漁樵遊譚引類亦細事寄酒且解相如消

丈人觀

七言詩卷十一

七

黃金篆書扁朱門夾道巨竹屯蒼雲崖嶺劃若天地分千
柱耽耽壓其垠纓冠肅謁丈人君廣殿空庭吹寶熏摩挲
畫橋手爲鞞異哉山夔與土殖物怪鬻鬻冠丘墳仙人佩
玉雜脫盼手整貂冠最不羣欲去不忍恨日曠道翁採藥
晝夜勤松根茯苓獲兼斤人芝植立彊骨筋狗起羣吠聲
狺狺山爐小甌吹幽芬朱顏不飲常自醺我亦宿誦五千
文一念之差隨世紛逝將從翁走如麋隱書祕訣何由聞
誰堆伏龍祠觀孫太古畫英惠王像

岷山導江書禹貢江流蹴山山爲動嗚呼秦守信豪傑千
年遺迹人猶誦決江一支溉數州至今禾黍連雲種孫翁

下筆開生面岌業高冠摩屋棟徒木遺風雖峭刻取材尚
足當世用寥寥後世豈乏人尺寸未施讒已眾要官無責
空賦祿軒蓋傳呼真一閔奇勛偉績曠世無仁人志士臨
風慟我遊故祠九頓首夜遇神君了非夢披雲激電從天
來赤手騎鯨不施控

登灌口廟東大樓觀嶧江雪山

我生不識柏梁建章之宮殿安得峩冠侍遊宴又不及身
在滎陽京索閒擐甲橫戈夜酣戰胸中迫隘思遠遊沂江
來倚嶧山樓千年雪積關邊出萬里雲濤坐上浮禹迹茫
茫始江漢疏鑿功當九州半丈夫生世要如此齋志空死
能無歎白髮蕭條吹北風手持卮酒酹江中姓名未死終
磊磊要與此江東注海

七言詩卷十二

七

眉州郡宴大醉中閒道馳出城宿石佛院

玻璃春作江水清紫玉簫如雛鳳鳴漏聲不聞看炷燭俠
氣未滅欺飛觥單車萬里信有數二年三過甯忘情釵頭
玉茗妙天下坐上見白山瓊花一樹真虛名酒酣忽作檀
公策閒道絕出東關城清歌未斷去已遠回首樓堞空崢
嶸貂裘狐帽醉走馬陌上應有行人驚徑投野寺睡正美
魚鼓忽報江天明

初到滎州

亂山缺處城樓呀雙旂蕭蕭晚吹笳煙深綠桂臨絕壑霜
落殘瀨鳴寒沙廢臺已無隱士嘯遺宅尙有高人家鈴齋
下榻約僧話松陰枕石放吏衙盃羹最珍慈竹筍餅水自
養山薑花地爐堆獸熾石炭瓦鼎號煎秋茶少年遠遊
無百里一飢能使行天涯豈惟慣見蓬婆雪直恐遂泛星
河槎故巢肯作兒女戀異境會向鄉閭誇一盃徑醉憤自
墮燈下髮影看鬢髻

太液黃鵠歌

建章宮裏春風寒太液水生池面寬中人馳奏黃鵠下龍
旂豹尾臨池看芹香藻煖鵠得意左右從官呼萬歲須臾
傳詔宴公卿驢聲如雷動天地時平宮省遊樂多黃鵠刷
羽涵恩波小臣珥筆龍墀下願繼前朝天馬歌

夜聞浣花江聲甚壯

浣花之東當笮橋奔流齧橋橋爲搖分洪初疑兩蛟舞觸
石散作千珠跳壯聲每挾雷雨橫巨勢潛借鼉鼉騎夢回
聞之坐歎息鐵衣何日東征遼銜枚度積沙颯颯盤梁斷
隴風蕭蕭不然投檄徑歸去短篷臥聽錢塘潮

謁諸葛丞相廟

漢終四百年所命老賊方持太阿柄區區梁益豈足支不
忍安坐觀異姓遺民亦知王室在閨位那干天統正公雖

已沒有神靈猶假賊手誅鍾鄧前年我過沔陽祠再拜奠
俎哀淚迸潔齋請作送迎詩精忠大義神其聽

醉中長歌

闌干斗柄搖天東人閒一夜回春風注桃染柳歲相似惟
我衰顏非昔紅可憐逢春不自感更欲使氣驚兒童煙郊
射雉錦臆碎水亭供鱸金盤空歸穿南市萬人看流星突
過連錢驄高樓作歌醉自寫墨光燭焰交長虹人生未死
貴適意萬里作客元非窮故人夜直金鑾殿僵卧獨聽宮
門鐘

春感

七言詩卷十三

九

少時狂走西復東銀鞵駿馬馳如風眼看春去不復惜只
道歲月來無窮初遊漢中亦未覺一飲尚可傾千鍾叉魚
獮籍漾水濁獵虎蹴蹋南山空射期命中萬人看毬門對
植雙旗紅華堂卻來弄筆硯新詩醉草誇坐中劔關南山
纔幾日壯氣摧縮成衰翁雪霜蕭颯已滿鬢蛟龍鬱屈空
蟠胸鄰園杏花忽爛熳推枕彊起隨遊蜂遙看百匝幾歎
息吹紅洗綠行恩恩莫年逢春尚有幾常恐春去尋無蹤
青錢三百幸可辦且判爛醉酤郛筒

題明皇幸蜀圖

天寶政事何披猖使典相國匈奴王弄權楊李不足怪阿

瞞手自裂紀綱八姨富貴尙有理何至詔書褒五郎

天寶末下

詔書張易之兄弟

盧龍賊騎已洶洶丹鳳神語猶琅琅人知大勢

危巢卵天稔奇岨如崩牆臺省諸公獨耐事歌咏功德卑
虞唐一朝殺氣橫天末疋馬西奔幾不脫向來諂子知幾
人賊前稱臣草閒活劔南萬里望秦天行殿春寒聞杜鵑
老臣九齡不可作魚蠹蛛絲金鑑篇

對酒

閒愁如飛雪入酒卽消融好花如故人一笑盃自空流鶯
有情亦念我柳邊盡日啼春風長安不到十四載酒徒往
往成衰翁九環寶帶光照地不如留君雙頰紅

七言詩卷十一

三

遊圓覺乾明祥符三院至暮

成都再見春事殘雖名閒官實不閒門前車馬鬧如市案
上文檄高於山有時投鱗輒竟出畧似齊客偷秦關日斜
僕夫已整駕顧景欲駐愁嘲訕豈知今朝有此樂放浪一
笑開衰顏抽身黃塵烏帽底得意翠木清泉閒褰裳危磴
窮筇硯洗耳古澗聽淙潺豈惟頓覺宇宙廣政爾一散腰
柳頑似聞青城縹緲處待我歸綴仙官班俊鷹解條卽萬
里豈比倦翼方知還

夏白紵

翔鸞矯矯離風塵眼明見此絕代人紗窗弄筆消永日臨

得黃庭新逼眞飛樓縹緲今何夕月與玉人同一色下簾
不見九霄寒自要玲瓏看團璧

夜宴卽席作

宣華輦路牧羊羊摩訶龍池草茫茫宮殿犁盡餘繚牆南
風遠吹禾黍香草閒白骨橫秋霜何由喚起醺一觴癡人
走死聲利場我獨感此惜流光蘋花開時風榭涼美人縹
緲如鸞翔堯年舜日樂未央非子之故爲誰狂

出塞曲

佩刀一刺山爲開壯士大呼城爲摧三軍甲馬不知數但
見動地銀山來長歌逐虎祁連北馬前曳來血丹臆卻回
射雁鳴綠江箭飛雁起連雲黑清泉茂草下程時野帳牛
酒爭淋漓不學京都貴公子唾壺塵尾事兒嬉

初春出遊

春風初來滿刀州江水照人如潑油犢車芳草南陌頭家
家傾貲事遨遊萬里橋西繫黃驢爲君一登散花樓半年
長齋廢觥籌興來忽典千金裘小桃婀娜弄芳柔紅蘭苗
芽滿春洲壚邊女兒不解愁鬪草纔罷還藏鉤可憐世人
自拘囚益中乾坤舞蜉蝣百年苦短去日遒問君安用萬
戶侯

和范舍人永康青城道中作

風驅雨壓無浮埃，驂驪千騎東方來。勝遊公自輩王謝，淨社我亦追宗雷。嶠山樓上一徙倚，如地始闢天初開。廓然眼盼三萬里，山一螻垤水一杯。世間幻妄幾變滅，正自不滿吾曹。哈丈夫本願布衣老，達士詎畏蒼顏催。君看神君歲食羊四萬，方一作處處棄膏高成堆。西山老翁飽松麩，造物賦子何遼哉。

贈宋道人

我不如昔人騎鶴上九天，玉簡奏事虛皇前。平生嗇養氣，羸全兩腳馳走輕。如煙鳥道懸崖忽，飛騫戲擲短劍聲鏗然。轉盼跳下千仞淵，已復取劍升層巔。猿猿俊鶻爭後先。

七言詩卷十二

三

飢食松花掬飛泉，金骨綠髓漸凝堅。口哦七字黃庭篇，西來欲訪挾彈仙。丹經劍訣更精研，嗟哉一失五百年。作詩付子勿妄傳。

大雪歌

長安城中三日雪，潼關道上行人絕。黃河鐵牛僵不動，承露金盤凍將折。虬鬚豪客狐白裘，夜來醉眠寶釵樓。五更未醒已上馬，衝雪卻作南山遊。千年老虎獵不得，一箭橫穿雪皆赤。拏空爭死作雷吼，震動山林裂崖石。曳歸擁路千人觀，髑髏作枕皮蒙鞍。人開壯士有如此，胡不來歸漢天子。

故蜀別苑在成都西南十五六里梅至多有兩大樹
天矯若龍相傳謂之梅龍予初至蜀嘗爲作詩自
此歲常訪之今復賦一首丁酉十一月也

昔年曾賦西郊梅茫茫去日如飛埃卽今衰病百事懶陳
迹未忘猶一來蜀王故苑犁已遍散落尙有千雪堆珠樓
玉殿一夢破煙蕪牧笛遺民哀兩龍臥穩不飛去鱗甲脫
落生莓苔精神最遇雪月見氣力苦戰冰霜鬪羈臣放土
耿獨立淑姬靜女知誰媒摧傷雖多意愈厲直與天地爭
春回蒼然老氣壓桃杏笑我白髮心尙孩微風故爲作嫵
媚一片吹入黃金疊

大風登城

風從北來不可當街中橫籍人馬僵西家女兒午未妝帳
底爐紅愁下牀東家喚客宴畫堂兩行玉指調絲簧錦繡
四合如垣牆微風不動金猊香我來登城望大荒勇欲爲
國平河湟才疎志大不自量西家東家笑我狂

芳華樓賞梅

素娥竊藥不奔月化作江梅寄幽絕天工丹粉不敢施雪
洗風吹見眞色出籬藏鳴香細細臨水隔煙情脉脉一春
花信二十四縱有此香無此格放翁年來百事惰唯見梅
花愁欲破金壺列置春滿屋寶髻斜簪光照坐百榼淋漓

玉笋飛萬人辟易銀鞍過豈惟豪橫壓清臞聊爲詩人洗
寒餓

遊諸葛武侯書臺

沔陽道中草離離臥龍往矣空遺祠當時典午稱猾賊氣
喪不敢當王師定軍山前寒食路至今人祠丞相墓松風
想像梁父吟尙憶幡然奮三顧出師一表千載無遠比管
樂蓋有餘世上俗儒甯辨此高臺當日讀何書

眉州披風榭拜東坡先生遺像

蜿蜒回顧山有情平鋪十里江無聲孕奇蓄秀當此地鬱
然千載詩書城高臺老仙誰爲寫仰視眉宇寒崢嶸百年
醉魂吹不醒飄飄風袖筇杖橫邇來逢迎厭俗子龍章鳳
姿我眼明北扉南海均夢耳謫墮本自白玉京惜哉畫史
未造極不作散髮騎長鯨故鄉歸來要有日安得春江變
酒從公傾

順風舟行甚疾戲書

昔日遠戍南山邊軍中無事酒如川呼盧噶雉連莫夜擊
兔伐狐窮歲年壯士春蕪臥白骨老夫晨鏡悲華顛可憐
使氣尙未減打鼓順流千斛船

舟中對月

百壺載酒遊凌雲醉中揮袖別故人依依向我不忍別誰

似峨眉半輪月月窺船窗挂淒冷欲到渝州酒初醒江空
裊裊釣絲風人靜翩翩葛巾影哦詩不睡月滿船清寒入
骨我欲仙人閒更漏不到處時有沙禽背船去

漁翁

江頭漁家結茆廬青山當門畫不如江煙淡淡雨疎疎老
翁破浪行捕魚恨渠生來不讀書江山如此一句無我亦
衰遲慚筆力共對江山三歎息

遊萬州岑公洞

岑公隋時人居此
二十年得道仙去

大業征遼發閭左軍興書檄煎膏火此時也復有閒人自
引岩泉拾山果後六百歲吾來遊洞中正夏淒如秋乳石
牀平可坐臥水作珠簾月作鉤十年神遊八極表浮名坐
覺秋毫小試問岑公迎我不鶴飛忽下青松杪

醉中下瞿塘峽中流觀石壁飛泉

吾舟十丈如青蛟乘風翔舞從天下江流觸地白鹽動灩
澦浮波真一馬主人滿酌白玉盃旗下畫鼓如春雷回頭
已失瀼西市奇哉一削千仞之蒼崖蒼崖中裂銀河飛空
裏萬斛傾珠璣醉面正須迎亂點京塵未許化征衣

岳陽樓

身如病鶴短翅翎雨雪飄灑號沙汀天風忽吹不得住東
下巴峽泛洞庭軒皇張樂雖已矣此地至今朝百靈雄樓

岌嶮鎮吳楚我來舉手捫天星帆檣纔放已隱隱雲氣亂
入何冥冥鼃鼃出沒蛟鱓橫浪花遮盡君山青黃衫仙翁
喜無恙神劍近到城南亭眼前俗子敗人意安得與翁同
醉醒

自雪堂登四望亭因歷訪蘇公遺迹至安國院

我醉飛屐登孱顏拄杖出沒風煙閒三山蔥隴鮫鱓靜九
關肅穆虎豹閒幾年金骨煉綠髓此日始得窮躋攀老仙
歸侍紫皇案空有野水流淙潺蜿蜒翠阜圍綠野似嶺非
嶺山非山向來龍蛇滿雪壁雷電下取何時還名花亦已
天上去居人指示題詩處九十一翁不識公我抱此恨知

七言詩卷十二

三

無窮

定惠院已廢海棠亦不復在安國老僧景
滋年九十一自言東坡去黃後四年方生

荆溪館夜坐

河漢無聲天正青三三五五滿天星草根冷露黏溼螢幽
人岸巾坐津亭憶下瞿塘浮洞庭陽臺繫船夢娉婷朱門
重重夜不扃四山猿鳥啼青冥人生無帶風中萍幸我夢
斷狂已醒繡鞵金絡帶萬釘何如故山鋤茯苓

七言詩歌行鈔卷十三目次

元遺山詩二十六首

虞坂行

南溪

送郝講師任崇福宮

范寬秦川圖

赤壁圖

寄答溪南詩老辛愿敬之

西園

西窗

七言詩卷十三目次

聞欽叔在華下

閻商卿還山中

女几山避兵送李長源歸關中

半山亭招仲梁飲

鄧州城樓

游黃華山

密公寶章小集

松上幽人圖

送張君美往南中

題商孟卿家明皇合曲圖

劉遠筆

世宗御書田不伐望月婆羅門引先得楚字韻

劉時舉節制雲南

贈別孫德謙

換得雲臺帖喜而賦詩

泛舟大明湖

南湖先生雪景乘驪圖

湘夫人咏

附劉無黨六首

梁忠信平遠山水

七言詩卷十三頁

鯁魚

樓前曲

雲中君圖

楚山清曉圖

郭熙秋山平遠用東坡韻

七言詩歌行鈔卷十三

金

濟南 王士禎 選

元遺山詩二十六首

虞坂行

虞坂盤盤上青石石上車蹤深一尺當時騏驥知奈何千古英雄淚橫臆龍蟠於泥易所歎麟非其時聖爲泣元龜竟墮余且網老鳳常飢竹芝實天生神物似有意驗以乖逢知未必若論美好是不祥正使不逢何足惜孫陽騏驥不竝世百萬億中時有一乃知此物非不逢轅下一鳴人已識我行坂路多閱馬敢謂羣空如冀北孫陽已矣誰汝

七言詩卷十三

知努力鹽車莫稱屈

南溪

南溪酒熟清而醇北溪梅花發興新前年去年花下醉今年冷落花應嘖梅花娟娟如靜女寂寞敢與荒山鄰詩人愛花山亦好幽林穹谷生陽春風鬢峨峨一尺雲芳香幽臥如相親山堂夜半北風惡一點相思愁殺人

送郝講師任崇福宮

大方之家幾知津郝君七十老斲輪書文五車喙三尺劇談混沌今猶神太元博士爲絕倒君言夸矣天公嘖長安冠蓋羅青雲洛陽車馬爭紅塵怪君掉頭不肯住寂寞來

作由東鄰嶽高維岳古所秩三十六帝有外臣元都石壇
待颯馭宮殿突兀松輪囷上界仙人鄧雲山洞天治所名
司眞蓬萊方丈去不遠明星玉女時相親瑤華可擷蘭可
紉煙霞永隔塵中人黃鶴一去不復返白鷗萬里誰能馴
爲我殷勤謝鄧君玉華歲晚當平分

范寬秦川圖

亂山如馬爭欲前細路起伏蛇蜿蜒秦川之圖范寬筆來
從米家書畫船變化開闔天機全濃澹覆露清而妍雲興
霞蔚幾千里著我如在峨眉巔西山盤盤天與連九點盡
得齊州煙浮雲未清白日晚矯首四顧心茫然全秦天地

七言詩卷十三

二

一大物雷雨瀕洞龍頭軒因山分勢合水力眼底廓廓無
齊燕我知寬也不辦此渠甯有筆如脩椽紫髯落落西溪
君長劍倚天冠切雲望之見之不可親元龍未除湖海氣
李白豈是蓬蒿人愛君恨不識君早乃今得子胸中秦作
詩一笑君應聞

赤壁圖

馬蹄一蹴荆門空鼓聲怒與江流東曹瞞老去不解事誤
認孫郎作阿琮孫郎矯矯人中龍顧盼叱咤生雲風疾雷
破山出大火旗幟北捲天爲紅至今圖畫見赤壁髮鬚燒
虜留餘蹤令人長憶眉山公載酒夜俯馮夷宮事殊興極

憂思集天澹雲閒今古同得意江山在眼中凡今誰是出
羣雄可憐當日周公瑾頗頌黃州一禿翁

寄答溪南詩老辛愿敬之

五年不喚溪南渡日夕心馳洛西路山中今日見君詩惆
悵良辰又相誤龍蛇大澤變風景虎豹天門鬱煙霧丈夫
不合把鉏犁青鬢無情忽衰素平泉漫作窮愁志笠澤休
題自憐賦長安止有五侯鯖骹憐誰能作樓護青燈老屋
深蓬蒿蝙蝠掠面莎雞號劍歌夜半激悲壯松風萬壑翻
雲濤區區墓上曹征西我知慚媿王東臯人生只有一杯
酒螟蛉蜾蠃安能豪

七言詩卷十二

三

西園

西園老樹搖清秋畫船載酒芳華遊登山臨水祛煩憂物
色無端生暮愁百年此地旃重發易水迢迢雁行沒梁門
回望繡成堆滿面黃沙哭燕月熒熒一炬殊可憐膏血再
變爲灰煙富貴已經春夢後典刑猶見靖康前當時三山
初奏功三山宮闕雲錦重璧月瓊枝春色裏畫欄桂樹雨
聲中秋山秋水今猶昔漠漠荒煙送斜日銅人攜出露盤
來人生無情淚沾臆麗川亭上看年芳更爲清歌盡此觴
千古是非同一笑不須作賦擬阿房

西窗

西窗鳥聲千種好樹陰離離動微風青山滿前掩書坐欲
話懷抱無人同花枝不笑綠鬢改尊酒自與黃金空少年
樂事總消歇落日澹澹天無窮

聞欽叔在華下

翰林仙人詩酒豪平生嵇阮參遊遨山中草棘滿霜雪可
惜渠家宮錦袍聞君忍飢讀離騷思之不見心爲勞舉頭
西望忽大笑太華落落長庚高

閩商卿還山中

阿卿去月從我來今日西山成獨往野人不是城中物澗
飲巖棲夢餘想翰林溼薪爆竹聲待詔履穿沾雪行蘭臺

七言詩卷十三

四

從事更閒吟文書如山白髮生孤燈靜照寒窗宿北風夜
半歌黃鵠田家閉門風雪深梅花開時酒應熟半世虛名
不療貧棲遲零落百酸辛憑君莫向山中說白石清泉笑
殺人

女几山避兵送李長源歸關中

山骨稜稜雪花白北風不貸單衣客與君此別欲何言若
箇男兒不湮阨相濡相响尙可活轆釜何曾厭求索從知
蛟鱷無隱鱗芥視三山需一擘自古飢腸出奇策漢庭諸
公必動色見君軒蓋長安陌

半山亭招仲梁飲

孤城鬱鬱山四周外人乍到如纍囚半山亭前浙江水只
可與君消百憂江山百年有此客雲樹六月生涼秋世上
紅塵爭白日一丘一壑去來休

鄧州城樓

鄧州城下湍水流鄧州城隅多古丘隆中布衣不復見浮
雲西北空悠悠長鯨駕空海波立老鶴叫月蒼煙愁自古
江山感游子今人誰解賦登樓

游黃華山

黃華水簾天下絕我初聞之雪溪翁丹霞翠壁高歡宮銀
河下濯青芙蓉昨朝一游亦偶爾更覺摹寫難爲功是時

三言詩卷十三

五

節氣已三月山木亦立無春容湍聲洶洶轉絕壑雪氣凜
凜隨陰風懸流千丈忽當眼芥蒂一洗平生胸雷公怒擊
散飛雹日腳倒射垂長虹驪珠百斛供一瀉海藏翻倒愁
龍公輕明圓轉不相礙變見融結誰爲雄歸來心魄爲動
蕩曉夢月落春山空中仙人九節杖每恨勝景不得窮
攜壺重來岩下宿道人已約山櫻紅

密公寶章小集

天東長白大寶幢天河發源導三江有木蔽映山朝陽云
誰巢者雛鳳凰雲間吐氣日五色百鳥不敢言文章名都
盤盤魏大梁黃金甲第羅康莊王家書絕畫亦絕欲與中

祕論低昂密公書院無絲簧窗明几潔凝幽香元光以後
門鑰廢文士稍得連壺觴客來喜色浮清揚典衣置酒餘
空箱生平俊氣不易降眼中俗物都茫茫淵明素琴嵇阮
酒妙意所寄誰能量在昔武元握乾綱扶桑爲弓射八荒
獵取一作大國如驅羊民風朴魯資驚彊文治未及武克

剛興陵之孫越王子天以人瑞歸明昌十三執經侍帝傍
十八健筆陵阿房撐腸文字五千卷靈臺架構森鋪張高
陽苗裔曩眾芳胡不置之貢玉堂袖中正有活國手下
纔得脩文郎悲風蕭蕭吹白楊丘山零落可憐傷承平故
態耿猶在拂拭寶壘生輝光恰似如庵連榻坐一甌春露
澹相忘

三言詩卷十三

六

松上幽人圖

秋風謾謾松樹枝仙人骨輕雲一絲不飲不食玉雪委竹
宮月夕頻望祠竟不下視齋房芝人閒女手乃得之眼中
擾擾昨暮兒畫圖獨在羲皇時予懷渺兮幽林思

送張君美往南中

南朝詞臣北朝客棲遲零落無顏色陽平城邊握君手不
似銅駝洛陽陌去年春風吹雁迴今年雁逐秋風來春風
秋風雁聲裏行人日暮心悠哉長江大浪金山下吳兒舟
船疾於馬西湖十月賞風煙想得新詩更瀟灑

題商孟卿家明皇合山圖

海棠一枝春一國燕鶯鶯作寒食千古萬古開元日三
郎搦管仰面吹天工大笑嗔不得甯王天人玉不如番綽
樂句不可無宮腰不諳羽衣譜疾舞底用牧豬奴風聲水
聲闕清都夢中令人羨華胥何時卻竝宮牆聽恨不將身
作李謩

劉遠筆

老魏力能舉玉杵文陣挽強猶百鈞惜哉變化太狡獪嚮
也褐衣今虎文宣城諸葛寂無聞前後兩劉新冊勲謝郎
風神恨太雋雖然豈不超人羣三錢雞毛吐皇墳尖奴定
能張吾軍何時酌我百壺酒爲汝醉草垂天雲

七言詩卷十三

七

世宗御書田不伐望月婆羅門引先得楚字韻

瑤光樓前按歌舞桂樹秋香月三五白頭誰解記開元四
海歡聲自簫鼓兩都秋色皆喬木三月阿房已焦土天人
亦有離別情可是田郎心獨苦承平舊物霓裳譜寶氣暉
暉映千古銀橋望極竟不歸滅沒燕鴻下平楚

劉時舉節制雲南

雲南山高去天尺漢家弦聲雷破壁九州之外更九州海
色澄清映南極幽并豪俠喜功名咄嗟顧盼風雲生今年
肘後印如斗過眼已覺烏鬢平諭蜀相如今老矣不妨銅

柱有新名

贈別孫德謙

津橋垂楊雪花白
挽斷春衫苦留客
西湖一雨春意濃
絕似銅駝洛陽陌
湖亭轟醉臥春風
到手金盃不放空
鵲山一帶傷心碧
羨殺孫郎馬首東

換得雲臺帖喜而賦詩

周官武臣奉朝請
劒佩束縛非天真
世閒曾有華陀帖
神物已化延平津
米狂雄筆照萬古
北宗草書纔九人
今日雲臺見遺物
黃金牢鎖玉麒麟

泛舟大明湖

七言詩卷七

八

長白山前繡江水
展放荷花三十里
看山水底山更佳
一堆蒼煙收不起
山從陽亾西來青
一彎天工擲下半玉環
大明湖上一杯酒
昨日繡江眉睫閒
晚涼一櫂東城渡
水暗荷深若無路
江妃不惜水芝香
狼籍秋風與秋露
蘭襟鬱鬱散芳澤
羅襪盈盈見微步
晚晴一賦畫不成
枉看風標誇白鷺
我時驂鸞追散仙
但見金支翠蕤相
後先眼花耳熱不稱意
高唱吳歌叩兩舷
喚取樊川搖醉筆
風流聊與付他年

南湖先生雪景乘驟圖

大河茫茫白連空
寒雲迢迢度南鴻
汴梁高樓管絃裏
成

卓行人西北風北風吹雪來飄瞥捲孤蓬異色變慘澹元
氣開洪濛襄陽詩境在撥拾物色真難工青驪誰此
游望見知是南湖翁南湖翁少日骯髒今龍鍾猶能吐氣
萬丈如長虹閉門兀坐意不愜要看銀海翻魚龍寶花世
界瓊瑤宮江山隨翁入清雄詩成仰天一大笑飛花落紫
春濛濛鬱鬱梁宋郊翁家出強宗許與必豪右收入等侯
封翁年十八九弄筆學雕蟲疊取兩解魁隱隱何隆隆一
日拂衣去學劒事猿公正隆適南征疋馬走從戎墨丸磨
盾鼻意與江流東紫微出東方淮海亦來同都將書與劒
田閒就春農仕宦不作邴曼容醉鄉自愛王無功鷄鷓從
渠致鐘鼓野鶴豈合棲樊籠南湖煙景多魚鳥亦從容亦
有兩小船綸竿插船篷高亭出秀樾窗戶連青紅清颿隨
睡輿暝色赴吟筇門前車馬來日曠日不供但苦佳客少
焉知清興終看翁棄瓢詩調戲鷗夷老子如兒童雄吞已
覺雲夢小寒縮甯作書生窮當年我得奉談笑晝夜肯放
清樽空東家西家不相從南海北海不相逢風流耆舊今
誰似惆悵相看是畫中

湘夫人咏

木蘭芙蓉滿芳洲白雲飛來北渚游千秋萬歲帝鄉遠雲
來雲去空悠悠秋風秋月沅江渡波上寒煙引輕素九疑

山高猿夜啼竹枝無聲墮殘露

附劉無黨六首

名迎東萊人
金大定進士

梁忠信平遠山水

憶昔西遊大梁苑玉堂門閉花陰晚壁閒曾見郭熙畫江
南秋山小平遠別來南北今十年塵埃極目不見山烏靴
席帽動千里只慣馬蹄車轍閒明窗短幅來何處亂點依
稀澆寒具渙然神明頓還我似向白玉堂中住濛濛煙靄
樹老蒼上方樓閣山夕陽一千頃碧照秋色三十六峰凝
曉光懸崖高居誰氏宅縹緲危欄蔭清樾定知枕石高臥
人常笑騎驢遠遊客當時畫史安定梁想見泉石成膏肓
獨將妙意寄毫楮我愧甫立隨諸郎此行真成幾州錯區
區世路風波惡還家特作發願文件我山中老猿鶴

鰈魚

君不見二牢山下獅子峰海波萬里家魚龍金雞一唱火
輪出曉色下瞰扶桑宮榭林葉老霜風急雪浪如山半空
立貝闕軒騰水伯居瓊瑰噴薄鮫人泣長鏡白柄光芒寒
一葦去橫煙霧閒峰巒百疊破螺甲宮室四面開嶸山碎
身粉骨成何事口腹之珍乃吾崇郡曹受賞雖一言國史
收痴豈非罪筠籃一千里來百金一笑收羹材色新欲
透瑪瑙盃味勝可浥葡萄醅飲客醉頰浮春紅金盤旋覺

放箸空齒牙寒光漱明月胸臆秀氣噴長虹平生浪說江
瑤柱大嚼從今不論數我老安能汗漫遊買舟欲訪漁郎
去

樓前曲

樓前山色秋橫碧樓下水光秋漫白眼看對此千里愁樓
下長歌古離別蕭蕭郎馬何時歸雁奴去作斜行飛灞橋
過客夕陽遠渭城行人朝雨微玉淒花冷令人瘦日莫倚
樓雙翠袖蕙炷猶殘瀉瀉香麴塵半著鴛鴦繡五雲飛過
芙蓉城洞天冷落雲閒笙妾身有願化春草伴君長亭仍
短亭

三言詩卷十三

十一

雲中君圖

衣若新沐蘭湯薰靈巫拜舞方迎神恍然相見帝者服九
歌昔咏雲中君畫史亦可人妙入造化域羽衣玉塵美且
閒此意不知何處得空明倏忽紛溟濛胡爲眷眷臨壽宮
飄然來下復遠舉想像決去隨飛龍祠空人散秋蕭瑟落
日猿聲喚秋色湘天極目青茫茫憑高一望無南北

楚山清曉圖

山娟娟江茫茫綠山林木老已蒼穿林細路縈羊腸汀洲
人家蘭杜香兩山秀出江中央宛如雙劍鋒銳層巒架
空化寶坊塢波突兀一氣傍雞聲喔喔林鳥翔願瞻曙色

開東方清風宿霧方蒼涼兜羅綿網淡平野紫磨金餅噉
浮桑櫓聲才動欲離岸鐘韻已殘猶殷牀當年有米維楚
狂生子亦復肖阿章想從乃翁佳朝陽收拾山綠餐湖光
膝前翰墨觀琳琅此圖戲出遂擅場彼眾史者何收當不
然安得牙籤犀軸古錦囊賞鑒一朝蒙古皇

郭熙秋山平遠用東坡韻

槐花忙過舉子閒舊遊憶在夷門山玉堂曾見郭熙畫拂
拭練素塵埃閒楚天極目江天遠楓林渡頭秋思晚煙中
一葉認扁舟雨外數峰橫翠巘淮安客宦踰三霜雲夢澤
連襄漢陽平生獨不見寫本慣飲山綠食湖光老來思歸

七言詩卷十三

十三

眞日日夢想林泉對華髮丹青安得此一流畫我橫筇水
中石

七言詩歌行鈔卷十四目次

虞道園詩二十七首

子昂畫馬

子昂畫竹

商德符畫幽篁古木

吳郡陸友仁得白玉方印其文曰衛青臨川王順伯

定以爲漢物求賦此詩

爲達兼善善御史題墨竹

寫廬山圖上

題巨景初僉司畫

七言詩卷十四目次

題柯敬仲畫

白翎雀歌

題簡生畫澗松

題柯博士畫

題高彥敬尙書趙子昂承旨共畫一軸爲戶部楊侍

郎作

題灤陽胡氏雪溪卷

題楊友直檢校所藏李營丘枯木圖

題袞塵騮圖

畫馬

題畫

霍元鎮規模董北苑米南宮父子寫山水雲物殊有
標致見示春江捕魚圖遂賦此

題何大夫畫馬

柳塘野鴨

丙吉問牛喘圖

爲汪華玉題所藏長江萬應圖

盤車圖

題漁村圖

題黃都事仲綱山居溪閣二首

題秦號二夫人承召遊華清宮圖

附劉靜脩九首

登荆軻山

幼安濯足圖

金太子允恭墨竹

金太子允恭唐人馬

宋理宗書宮扇

宋徽宗賜周準人馬圖

宋度宗熙明殿古墨

遊郎山

挂書牛角圖

七言詩卷四頁次

三

七言詩卷四

七言詩歌行鈔卷十四

元

濟南 王士禎 選

虞道園詩二十七首

子昂畫馬

憶昔從公侍書殿天閑過目如飛電池邊儘有吮毫人神
駿誰能誇獨擅公今騎鯨隘九州人閒空復看驪駒惟應
馭氣可相逐黃竹雪深千萬秋

子昂墨竹

吳興畫竹不欲工腕指所至生秋風古來篆籀法已絕止
有木葉雕蠶蟲黃金錯刀交屈鐵太陰作雨山石裂蛟龍
起陸眞宰愁雲暗蒼梧泣湘血吳興之竹乃非竹吳興昔
年面如玉波濤浩蕩江海空落月年年照秋屋

商德符畫幽篁古木

湘君宮在洞庭湖幽篁古木龍所都石壇雨長碧苔蘚水
屋風動青珊瑚老人倚枕看蠖蟻嫠婦停舟聽鷓鴣江南
蜀道問來往商公商公今有無

吳郡陸友仁得白玉方印其文曰衛青臨川王順伯

定以爲漢物求賦此詩

將軍騎從公主時豈意刻玉爲文章珠襦已隨黃土化此
物還同金雁翔軍中只說長平侯西風木葉茂陵秋人生

卑微何可忽碌碌姓名誰見收

爲達兼善御史題墨竹

蜀道荒涼多古木篔簹千尺相因依小年慣見今白髮杜
宇夜啼愁不歸老可嘗作陵州守古墨蛟龍多入手春雷
每恐破壁去神鼎空令夔魅走丹丘越人不到蜀脩葉何
以能縱橫內府人家爛熳寫使可見之心亦驚江南御史
龍頭客暫別那能不相憶知君深識篆籀文故作寒泉溜
崖石

寫廬山圖上

憶昔繫船桑落洲前五老當船頭風吹雲氣迷谷起霜

七言詩卷十四

二

墮楓葉令人愁高人祇在第九疊太白一去三千秋石橋
二客如有待裏茶試泉春岩幽

題且景初僉司畫

且公山堂城南畫圖古檜何璿璣城中無山有山癖直
精毫墨窮幽探且公彈琴古檜下鬱鬱窗戶生晴嵐春雨
時來鶴鳴谷秋聲夜作龍吟潭先皇晝坐羣玉府內使趣
召飛雙驂畢宏韋偃出中祕營三北苑開縻緘是時且公
主舒卷一二文士相交參且公歸來坐成想亦頗拈筆爲
楸楠伯熙奉詔每有作礪砢相竝將無慚嗟予懷歸亦已
久摩挲老目百不堪山中豈乏眞偃蹇可容白髮抽朝簪

題柯敬仲畫

子先世居隆州州治之後山石室翁守郡時隆爲陵州州事簡時來就吾家拾故紙背作茅蘭竹木之屬所得頗多吾幼時尙收得數紙今亦亡之丹丘生用文法作竹木而坡石過之近又以新意作墨花甚妙從子悅有眉山學官之行上爲作此子愛而賦之

昔者老可守陵州守居北山吾故丘太守時來看山雨每
畫紙背成滄洲老蒲松煙色過重揮霍陰崖交劒矛百年
離亂亡故物敝篋江南誰復收新圖篋管枝葉脩使我不
樂思昔俠碧雞祠前杜鵑叫玉女井上叢篁幽棠梨樹高
青子落碧花翠蔓縈牽牛楊雄無家不歸老蠹蝟蟋蟀寒
相求丹丘先生東海客何以見我空山秋蕭條破墨作清
潤殘質刊落精英留陂陁重複分細草山石縈紆生亂流
眉山學官莫厭冷言歸故鄉非遠遊石田茆屋倘可得萬
里欲上東吳舟百花潭溪濯新錦持報以比珊瑚鉤

白翎雀歌

烏桓城下白翎雀雌雄相呼以爲樂平沙無樹託營巢八
月雪深黃草薄君不見舊時飛燕在昭陽沈沈宮殿鎖鴛
鴦芙蓉露冷秋宵永芍藥風暄春晝長

題簡生畫澗松

簡生與我皆蜀人留滯東南凡幾春每拂齊紈作山水使
我感慨懷峨岷如此長身兩松樹滿谷悲風散陰霧雌雄

如劍變爲龍鱗鬣齊成壁崖去祕閣嘗觀草偃圖蒼潤雄
溪世所無默識形神出模畫把筆莽蒼增嗟吁玉堂寶書
本同館官府旣分難復見摩挲新墨慰衰朽鬢雪飄蕭數
開卷昔我樵牧青城山坐起正在雙樹閒當時簡生若相
見應并寫此聽潺湲劉郎集賢好賓客好著幽窗對晴碧
凌靈爲我哦七言有鶴飛來破秋色

題柯博士畫

磯頭風急潮水長蒹葭蒼蒼繫魚榜青山一髮是江南白
頭不歸神獨往幽篁繞屋茆覆簷木葉脫落秋滿簾買魚
沽酒待明月定是黃州蘇子瞻子瞻文章世希有謫向江
波動星斗夜投斷岸發清嘯棲鷗驚飛怒蛟吼圖中風景
偶相似欣然揮灑春雲開子瞻應是念鄉里還化江東孤
鶴來

題高彥敬尙書趙子昂承旨共畫一軸爲戶部楊侍

郎作

不見湖州三百年高公尙書生古燕西湖醉歸寫古木吳
興爲補幽篁妍國朝名筆誰第一尙書醉後妙無敵老蛟
欲起風雨來星墮天河化爲石趙公自是真天人獨與尙
書情最親高懷古誼兩相得慘淡醇酢皆天真侍郎得此
自京國使我觀之三歎息今人何必非古人淪落文章付

陳迹

題灤陽胡氏雪溪卷

平沙積雪陰山道射虎殘年不知老豈識船如天上坐翠竹爲幃樹爲葆昔乞鏡湖苦不早白髮如絲照清潦他年此地若相逢應著漁蓑脫貂帽

題楊友直檢校所藏李營丘枯木圖

老龍出海蒼髯營丘枯木天下無回枝屈鐵墮崖雪淵底應拾青珊瑚明堂清廟要梁棟朔風吹沙澤腹凍老身不用嘆遲莫按圖來求萬鈞重

題衣塵騮圖

七言詩卷十四

五

騮食粟石每旣立仗歸來汗如洗脫羈展轉聊自恣落花塵土隨身起君不見春雷蟄起龍欠伸霧擁雲蒸九天水

畫馬

百年升平卻走馬立仗天閑常見畫蕭灘灘頭八十翁卻寫西來大宛者高蹄如鐵項如鉤風鬣蕭蕭首藉秋常見貢來騎不得長嘶要蹴崑崙厓

題畫

連昌宮裏古牆陰積雨過春黃竹溪老樹無枝交屈鐵立石有書名錯金吮毫池上寫幽鳥承恩春日風光好當時

執戟今日頭卻對蕭森倚秋昊

霍元鎮規模董北苑米南宮父子寫山水雲物殊有
標致見示春江捕魚圖遂賦此

春江聚網萬魚急漁人相謹魚相泣負薪溪山何處樵利
害相乘不相及海鷗冥冥秋影微黃葉江南一棹歸人閒
得失兩無迹不廢山水含清輝

題何大夫畫馬

國朝畫手何大夫親臨伯時閱馬圖伯時絕憶鐵面語放
筆驪騮懷此都此都大夫八九十千馬萬馬在胸臆偶然
數鬣落江南捲東上箱謝槽櫪

七言詩卷十四

六

柳塘野鴨

江南水退秋光淺風柳參差萬絲捲鴛鴦在梁鳧在渚蕩
蕩扁舟去家遠千艘轉海古長策白粲連江動秋色斷蒲
折葦野水闊爛爛明星且將弋翠盤擎露夜深寒玉色亭
亭落月殘太液池頭黃鶴下夢中曾見畫中看

丙吉問牛喘圖

少陽用事春猶淺丞相公行問牛喘三公職事知者稀嗟
彼德微蒙策免天子有道守四夷中心無爲日萬幾遠有
甸服近有畿夙夜明哲發裳衣

爲汪華玉題所藏長江萬里圖

雲巢幽人愛江渚抽思揮毫寫橫素波瀾不驚潦水盡秋
氣晶明絕煙霧征帆去棹不相襲岸曲洲旋總堪賦孤村
城市僅如蟻百丈牽江直如縷蕭蕭木葉洞庭波歷歷晴
川漢陽樹兼葭宿雁天欲霜叢葦寒鴉日云暮就中樓觀
何王宮想見華年貯歌舞丹青倒景駭靈怪粉黛含情怨
幽阻青春游子澹忘歸白日冷風帳中語人閒遺迹何足
留最惜精思墮塵土郭熙平遠無散地小米蒼茫託天趣
鈿鋒鏃戟不破墨刻畫晶熒昔誰苦渤海細書藝文草精
絕戈波絕回互南唐後主萬鴉圖點點晨光動毛羽昔年
曾見今日昏雖復逢之亦難睹汪侯此卷出故家相示摩

挈極愁予香奩犀軸見者稀謾錄餘情示來許

盤車圖

大車麟麟牛駕輓西望太行雪千尺往時飛挽實長安百
輛仰關過阡陌亂流十里九屈曲水濺車箱沙沒轂前和
後應日云暮王事有程車下宿旂旒央央昔臨洛東南會
期出方嶽侯伯有位賦有差載幣瞻迎來若若君不見海
艘百萬乘天風京坻連雲多腐紅天子視朝大明宮千乘
萬騎來何雄

題漁村圖

黃葉江南何處村漁翁三兩坐槐根隔溪相就一煙棹老

嫗具炊雙瓦盆霜前漁官未竭澤蟹中抱黃鯉肪白已烹
甘瓠當晨餐更擷寒蔬其種席垂竿何人無意來晚風落
葉何毡毳了無得失動微念況有興亡生遠哀憶昔采芝
有園綺猶被留侯迫之起莫將名姓落人閒隨此橫圖卷
秋水

題黃都事仲綱山居溪閣二首

出山作官十載餘聊託筆墨懷幽居連雲一一列眉黛細
雨往往逢樵漁鄰家父老每載酒隔屋弟兄皆讀書我久
居山不待畫獨念稚子扶犁鉏

閣前流水秋愈深故人東來還見尋方舟直過彭蠡澤把
釣坐對香爐空雲中煙樹差可辨江上鄉關誰與吟我欲
芳蘭寄遠者日暮天際多輕陰

題秦號二夫人承召遊華清宮圖

貴人竝鞚如輕鴻承恩馳入華清宮道途先不止行客策
蹇奔趨烏帽風奚囊墮地何足拾豈有篇章浪相及畫史
當時妙墨傳光彩流動狂情急君不見白頭拾遺徒步歸
明眸皓齒事皆非朝天泥滑袖封事高閣雨餘宮漏稀
附劉靜脩九首

登荆軻山

兩山巉巖補天色中有萬斛江聲哀人言此地荆軻館尙

餘廢壘山之隈太子西來函關開誰信生兒爲禍胎筆頭
斷取江山去已覺全燕如死灰馬遷尙俠非史才淵明憤
世傷幽懷春秋盜例久不舉紫陽老筆生風雷遺臺古樹
空崔嵬平蕪落日寒煙堆紛紛此世亦良苦今古燕秦經
幾回憂來徑欲浮蓬萊安得魯連同一杯碣石東頭喚羨
門六鰲載我三山來

幼安濯足圖

漢家無復雲臺功平生不識大耳公眼中天意鏡中語此
身只有扁舟東關東諸公亦英雄百年能辨山陽封歸來
老柏號秋風世事悠悠七十翁乾坤故物兩足在霜海浮

七言詩卷十四

九

雲空復空無刀可斷華太尉有死不爲丕大中丹青白帽
凜冰雪高山目送冥飛鴻爲問蘇家好兄弟萬古北海誰
真龍

金太子允恭墨竹

黑龍江頭氣鬱蔥武元射龍江水中江聲怒號久不瀉破
墨揮灑餘神功天人與竹皆真龍墨竹以來凡馬空人間
只有墨君堂何曾夢到瓊華宮瑤光樓前月如練倒影目
有河山雄金源大定始全盛時以漢文當世宗興陵爲父
明昌子樂事孰與東宮同文采不隨焦土盡風節直與幽
蘭崇百年圖籍有蕭相一代英雄誰蔡公策書紛紛少顏

色空山夜哭遺山翁我亦飄零感白髮哀歌對此吟雙蓬
秋聲蕭蕭來晚風極目海角天無窮

金太子允恭唐人馬

道人神駿心所憐天人龍種畫亦然房星流光忽當眼徑
欲攬轡秋風前漢家金粟幾蒼煙江都筆勢猶翩翩東丹
獵騎自豪貴風氣惜有遼東偏天人秀發長白山畫圖省
識開元年金元馬坊全盛日四十萬匹如秦川天教劫火
留此幅玉花浮動青連錢英靈無復汗石馬悲鳴真是泣
金仙只今回首望甘泉汾州繁華雁影邊奇揆竟隨轍迹
盡兀坐宛在驂騮先人間若有穆天子我詩當作祁招篇

七言詩卷十四

十

宋理宗書宮扇

天津月明啼杜鵑梁園春色凝寒煙傷心莫說靖康前吳
山又到繁華年繁華幾時春已換千秋萬古合歡扇銅雀
香銷見墨痕秋去秋來幾恩怨一聲白雁更西風冠蓋散
爲煙霧空百錢韞錦天留在禍胎要鑒驪山宮當時夢裏
金銀闕百子樓前無六月瓊枝秀發後庭春珠簾晴捲天
門雪棹歌一曲白雲秋不覺金人淚暗流乾坤幾度青城
月扇影無情也解愁五雲回首燕山雪燕山雪花大如席
雪花漫漫冰峨峨大風起兮奈爾何

宋徽宗賜周準人馬圖

筆底金鞍有蕭爽誰云不博降王長汴梁城外若雲屯畫
本相看應自賞十載青衣夢故都經營慘淡欲何如只除
金粟呼風鳥曾見昭陵鐵馬趨

宋度宗熙明殿古墨

江南賜姓功臣李吾州奚生墨工爾江南赭盡吳山松吾
州老樹搖晴空君王弄墨熙明殿不覺江頭度白雁劫火
猶解愛廷珪吹送山家易水西松風含哀玉硯滴似訴優
游解亡國只今惟有哀江南寶氣不受鵝溪縑早晚扁舟
適吳越爲君揮灑天門雪

遊郎山

七言詩卷十四

十一

昨日山東州馬耳索御凌風嘶今日軍市中不覺已落山
之西山之面背一無異不待風煙變化神已迷危關度雪
嶺亂石通荒蹊林間小草不識風日自太古我行終日仰
羨木杪幽禽啼但見雨色來雲物颯以淒忽然長嘯得石
頂痛快如御駿馬蹄萬里來長風五色開晴霓長劔倚天
立皎潔瑩鷗鵝平地拔起不傾側物外想有神物提詩家
舊品嵩少同畫圖省見巫山低誰令九華名獨與八柱齊
千態萬狀天不知敢以兩目窮端倪騫騰誰避若飛隼側
瞰何屈如怒猊千年落窮邊煙草寒萋萋若非酈亭書生
此鄉國物色誰省曾分題乾坤至寶會有待豈有江山如

此不著幽人棲頗聞山中入雲閒時聞犬與雞只疑名山
別有靈境在不許塵世窮攀躋不是先生南遊有成約徑
欲共把白雲犁九疑窺衡湘禹穴探曾稽玉井爛賞金芙
葉日觀倒捲青玻璃風煙回首莫瀟灑南游準擬相招攜

挂書牛角圖

長安江都搏手空台司光祿誰雌雄大事既去乃爾渠
頭不斫將安容喑鳴千年楚重瞳將軍視之猶楚公挂書
牛角亦偶爾史臣此擬良未同青青澤中蒲秀色自凌空
可憐徐包徒學術皆凡庸君不見羣兒驅羊竟何功晉陽
桃李亦秋風緜山圖畫有如此何如長作多牛翁

七言詩歌行鈔卷十五目次

吳淵穎詩二十八首

觀秦丞相斯鄒嶧山刻石墨本碑

題錢舜舉張麗華侍女汲井圖

題李伯時寶津騎士校馬射圖

題南平王鍾傳醉搏虎圖

題袁子仁所藏巴船出峽圖

觀唐明皇羯鼓錄後賦

題晉劉琨雞鳴舞劒圖

宋度宗御書福王慶壽宮扇

七言詩卷十五目次

客夜聞琵琶彈白翎鷗

陳彥理昨以石經見遺今承寄詩索石鼓文答以此

作

白鼻騮

韓吉父座上觀漢陽大別山禹柏圖

同吳正傳咏龔岩叟小兒高馬圖

盜發亞父冢

衛將軍歌聞有得漢衛青玉印者賦之

韓蘄王花園老卒歌

寄陳生

杜鵑

題韓蘄王湖上騎驢圖

畫馬行

昭華琯歌

觀唐昭陵六駿石像圖

東吳行

送陽文仲歸餘姚

次韻傅適道虎陂聞舟中

新開河口同方養心望東嶽

風雨渡楊子江

熊燕山徐市廟

熊燕山徐市廟

七言詩歌行鈔卷十五

濟南 王士禛 選

吳淵穎

名萊字立夫

詩二十八首

觀秦丞相斯鄒嶧山刻石墨本碑

鄒嶧之山在何處始皇立石改名號史籀古文相斯變蛟
龍盤幅獨精到自都咸陽制六合曰救黔首烹強暴豎溪
擅更秦新法繁縟盡剗周末造掃除井田設斗筲盪滅封
建廢圭瑁收兵鑄鏐銷凶器斥塞築城斯梟鷲當時大開
阿房殿萬世永戴黃屋燼胡亥矜慢不改轍趙高指麾豈
謂孝四極巡游何功德羣臣刻頌直羿稟金虎淪亡竟不

七言詩卷十五

一

守白蛇劍死徒驚譟荀卿著書本性惡弟子承學愈言耄
古今聖賢使閣束五三載籍遭煨爆越人烏駭汝苦兵斬
卒狐呼汝召盜宜哉東市得具刑矧痛吾儒有名教太平
眞君一拽倒枯篁野莽火就燥篆家法妙尙鉤勒棗木字
肥畧顏貌陽冰石經欲鶯乳楚金螭匾猶踏蹈文章諛佞
合鐫削筆墨環絕強則倣小齋客至無寒具明窗淨几急
灑掃後代續刊縱膚淺先秦遺迹信堂奧鵝鼻峰頭不可
上魑魅書泣駭熊豹會尋碣石撰之采乘興去浮滄海權
題錢舜舉張麗華侍女汲井圖

景陽宮中景陽井手出銀盤牽素綆鉛華不御面生光寶

帳垂綃花妬影臨春結綺屹層空璧月瓊枝狎客同鴛鴦
戲水池塘雨蛺蝶尋香殿閣風日高歡晏騎若訴牀脚表
章昏不寤吳兒白袍戰鼓死洛上青蓋降船渡并泥無波
并欄缺半點胭脂汗緋雪蕙心蘭實吹作塵目斷寒江鎖
江鐵

題李伯時寶津騎士校馬射圖

東都天子幸寶津左右突騎多近臣少年據鞍卽齊足青
柳絳綃不遺鏃前手引弰如附枝後手放箭箭不知羽林
劍客塵霧瀾蘭筋蕙腕霜聲馳先朝射技兵恨弱舊柵毬
門馬驚躍軍書到夏風噴河使節通遼雪跑幕南宮試士
親見來筆下俊逸真龍媒澄心一紙依稀在畫家六法猶
神彩誰歎醇馴誰牛車收盡騏驎策蹇驢男兒虛用懸門
弧嗚呼壯哉彼武夫

題南平王鍾傅醉搏虎圖

南平酒行山險巖日暮猛虎相抱持僕夫辟易不敢近雙
手現出十狻猊口乾大喊眼光燦腰無寸鐵起徒搏沙飛
石走風爪牙草折林摧雪齟齬人強獸勇盡力爭形格勢
禁過用兵英雄變化動霹靂富貴徂收檣槍老罷當路
叱貉子指揮六州稱刺史摩挲虎鬚淮甸鬪啖嚼虎膽闔
城靡少年本是貧少年狂卒成功等醉癩盜應有道幸竊

柄王竟不死還橫鉞一時豪特誰與畫千古畫圖專足戒
投弓棄箭浪紛紛馬上愧殺裴將軍

題袁子仁所藏巴船出峽圖

巴山一帶高崔嵬巴江萬里從天來前夫疾挽後夫催黃
牛白狗遽船開曉風東回水西上淫瀨堆頭伏如象盤旋
鳥道怕張帆汨沒龍淵驚棹槩世人性命重濤波吳鹽蜀
麻得利多怪石急流須勇退貪夫險魄謾悲歌神禹醜江
江更惡五丁鑿路空巖峩舟船可坐尙髮危棧閣能行終
淚落嗟茲舉目無不然直愁平地卽山川至喜亭邊聊酌
酒長年三老好攤錢

七言詩卷十五

三

觀唐明皇羯鼓錄後賦歌

上皇天寶全盛年花奴抱鼓踏御筵頭如青山屹不動手
似白雨敲圓棬大聲嘈嘈忽放肆都曇答臘矧敢前小聲
籠籠復嘖殺耶婆色雞最可憐風吹宮牆欲罷笛月照邏
逆徒揮絃織蘿不起見秋爽萬杏爭發催春妍雅琴清商
卻爾叱蕃部坐伎還相宣招來燕冀有巨盜打破河渭無
人煙古先聖人本淡薄堂上堂下俱宿縣音和氣順遽感
召烏獸牽舞殊踰躑後世辟王寢靡靡朝歌北里因師延
迷魂淫思苦宛轉鐘磬散亂終沈淵吁嗟西京正宸極騁
望兩海際幅員金甌一缺遂不補寶鼎大震幾于遷心貪

音技日蝕甚坐創藩限空茫然一時戎夷共衽席滿耳鼓
樂皆戈鋌宋公守正好宰相魯山花莖閒獻蹂百年治亂
總由天羯鼓遺聲傳不傳

題晉劉琨雞鳴舞劍圖

我行洛陽大道邊一雙蒼鵝飛上天惜哉春水御溝去化
作胡兒飲馬泉前山雞鳴夜欲半古劍隨身舞凌亂白光
虎躍騰雪霜神氣龍蟠貫星漢望中沙塵衣正寒舉手傾
倒髮衝冠鹿盧躑動卽千里蘭子戲成徒七盤人生豈無
志事往僅有淚疲兵獨困守劇虜翻強鷲孔融才疎不足
多袁紹眾盛空黃河代公土地仍同患段國風塵謾助戈
世閒壯士但老死凍鐵沈埋何處使千秋萬歲青金虬恨
不鑄得劉并州

宋度宗御書福王慶壽宮扇

漢家諸侯奉大統會稽故邸王封重歲週甲子壽筵開賓
客滿堂宮扇來掖庭嬪御侍圖史聖筆逡巡鸞鳳似清風
外撲龍阜花明月中涵鏡湖水南國爲家日已微禮官考
禮是邪非前殿君臣朝玉笏後宮父子曳珠衣火德盛時
尙有扇金商振處無兵戰兵頭老鐵化降雲扇底生綃沾
淚霰自從一葬息婦原恨身不見孝崇園越州司戶眉勝
雪舊篋淒涼那忍說

客夜聞琵琶彈白翎鵲

白翎鵲東海來十里五里何摧頽一飛飛上青霄際再飛
飛墮黃沙堆少年臂名鷹齊出跨駿馬放鷹一馳躍與鵲
相上下身佩木弓射必命中中疊雙蹀血芟毛天欲雪摩
雲壓草地多風衝突三邊有意氣指揮八極無英雄白翎
鵲西海去千里萬里何軒翥一飛飛上賀蘭山再飛飛過
鐵門關少年領強兵乘勝卽轉戰戟頭吹火光旗幟舞秋
練手持生鐵刀空城烏雀盡死麋麋鹿瘡痍無處避角貓
躑躅向人號收拾廣輪莫郡邑肅清星嶽靜波濤白翎鵲
東海西海都驅羆太常召見日月山治定禮行功成樂作

大雅清商久寂寥鷓鴣雞邏迓多絃索上林花開早浮豔榆
塞葉落終迴薄一聲高一聲低一聲懾懾百虎豹一聲束
縛千鯨鯢白頭漢士聞先拍青眼胡兒聽卻啼君不見康
崑崙羅黑黑開元絕藝傾一國若還睹我白翎辭二十四
絃彈不得

陳彥理昨以漢石經見遺今承寄詩索石鼓文答以

此作

橫山先生多古玩太學石經分我半魏公世藏資州本金
石錄中還散亂當時愛奇巧收拾筆畫昭回映雲漢流傳
到我乃不遠虬甲鳳毛真可愧自從得此未有報岐右石

鼓天下觀昔則敲火今斷白駱駝載歸石盡爛滄沮以後
卽史籀先代遺寶列圭瓚中卽變篆生八分二者不敵何
足算先生嗜書出法帖青桐聖璧手脫擊漆書科斗不通
俗蛇蚓蟠結強塗竄先生博學抱聖經焚膏繼晷日耽翫
韋編鐵摘只紙傳鄒魯精髓合淹貫國子門開塵沒城蓬
萊閣廢草堆岸春秋徒聞壁可假道德詎信鵝能換古今
所重在周典周史面目極敞敷聖心不死不在石日月行
天旦復旦吾家故紙本不惜驪領有珠吾欲鍛向來見辱
亦云然焦尾之餘爭免爨先生安坐幸勿躁歲晚相逢笑
拍案屏除許事不須說好與吾儒峙楨幹

白鼻騮

白鼻騮白鼻騮當軒迴立噴風沙名驥留良定北土蹇驂
索價猶東家青松縛柳曉安早紅錦裁鞵春暎草支遁心
機愛神駿伏波骨立輕衰老去年禁馬無馬騎天下括馬
數馬皮浮湛鄉閭萬里足笑傲品秩千金羈幸哉漢武重
修政往矣劉聰眞覆鏡立防戰備要馬稀藏富民寰須馬
盛向來河隴色爲羣目極川原亂若雲庶人徒行未足恤
世閒醇駟何由得

韓吉父座上觀漢陽大別山禹柏圖

大別名山如伏鼇大別古柏如立猱舊聞夏后手所植直

軋南國無蓬蒿洪水曾當澤洞極聖躬乃此胼胝勞乘舟
荆衡地可盡作貢雲夢天爭高一時裁樹記所歷千載摩
撫翳其遭本根盤拏屹鳳凰枝葉挺拔森旌旄礙日吟風
聳楚阻欺霜傲雪塵秦饗夜行夏首影弄月曉艤鄂滋聲
吹濤信哉冥靈欲等壽材比杞幹終稱豪屏除楸翳虎豹
泣鎮斷夔魍蛟龍逃匠石徘徊卻喪斧篙工睥睨甯維舫
吾知嘉木辨爾雅但惜芳草遺離騷平生環轍苦未到幸
此畫筆何從操豈非神明護正直使在方漢雄城壕樓桑
出牆尙久特巨櫟蔽社猶堅牢惟茲所重有聖德坐見餘
物真秋毫自來劉李富宮室命下荆蜀刮土毛一榮一枯

古詩卷十五

驗世道勿翦勿伐臨江臯穆滿蒼茫黃竹咏重華慘淡蒼
梧號逃然萬古萬古西望歎息同霑袍

同吳正傳咏龔岩叟小兒高馬圖

北平猿臂久不侯伏波豐饒空持矛并州小兒十歲許雙
足疾走真驪騮金鞍玉勒絲轡絡肉鬣風鬣雪斷齟郊衢
一躍自矜驕血氣未完先躡躑漢皇文武駕英雄西極飛
來八尺龍城東鬪雞爾尙可積外鳴劍吾無功初陽卻照
長楸道白髮奚官泣枯草悠悠翠蓋與鸞旗老矣驪騮那
得知

盜發亞父冢

楚王昔尊楚亞父楚人今發亞父墓南山鑿石下懸棺寶
劒燭天知劒處當年奉劒重瞳光左右膝走諸侯王劒鋒
掃秦柄奪漢梁楚鬪作馳兵場起撞玉斗啖豎子戰肉烏
鳶骨螻蟻烏江得死不得葬憤胆冤腸終不死東陵老盜
曾膾肝丞相摸金仍置官大儒揮椎小儒唱奇寶拔窆蛟
龍寒君不見秦皇一死驪山改亞父猶能數千載我今豈
識亞父誰鳧雁秋風散銀海

衛將軍歌聞有得漢衛青玉印者賦之

昔聞衛將軍起自衛子夫姊爲皇后弟爲奴親提漢兵北
擊胡旌旗劒戟罷熊羆指揮六郡良家子輸結三邊幕府

七言詩卷十五

八

祖血流余吾斷斥候魂駭老上燒穹廬天子召見錫印符
鑣歌騎吹凱入都椎牛醢酒啟鞠室饗士論功懸箭筈平
陽故侯丈二受寡主忸怩膝走趨兩兒佩綬光耀軀外虢
內燭絕代無荆玉方寸溫且腴古文繆篆姓名俱螭尾壓
紐巧盤拏楯鼻磨墨急檄書史傳數紙丘山如王侯螻蟻
但須臾土花苔葉空模糊何人手曾秉鈞樞何人身已返
隸拏昔貧今富鼠作虎昔富今貧鴝化鳧感時撫舊嘆以
呼淮陰鍾室彭越殖良弓猛狗諺不誣衛青玉印千載餘
珍重漢皇宏遠模

韓蘄王花園老卒歌

斬王手種紅錦花十載不挂鐵鉞
銀花園老卒守花樹睡
著花磚聞曙鴉白頭白盡身無事
古塞沙塵戰餘騎多士
如雷足健兒一奇在腹終憔悴
青銅萬緡滿地光寶函矯
節賜夷王宮妝粉豔去酣酒海
貨珠暎歸壓檣王家舍兒
驚吐舌御府珊瑚碎飛雪口猶
乳臭卻帳前嬰鑠一翁嗟
棄捐君不見天下英雄本奴虜
左鼻成龍右鼻虎頸血淋漓
瀉思豐鼓史傳沈埋誰比數
花落花開幾風雨

寄陳生

落日未落山谿谿我所思兮
抗嶽巖豈其徒行固不可亦
有健馬可著銜胡然獨處不
我卽坐以魯史攻訖謫更疑

七言詩卷十五

九

弄筆發古帖先漢廢碣求鐫
劓於茲孰不我傾倒但或嗜
好殊酸醜結交似子乃有得
肯使繫屬非游繆今年一出
本浪戰滿地插棘疇能堅鹿
盧大劔區冶鑄靈鬼夜泣蛟
龍函早是鉛銛不我辨彎弧
底用窺熒攬縱爾奇文聚怪
鷁政如絕力鞭神臧邯鄲道
上尙故步我要我襟空餘穢
毋甯容刀與墨水枉使眾口
相爲譏秋風吹江晚更急薄
暮徑去懸蒲帆自期共作制
勝策酷類田父收盧穰杏花
一色直不遠繡線巧盛行春
衫黃精苗枯不足惜白木敢
負吾長鑱嗟哉鹵莽又滅裂
但有莢稗無人受待教將投
乃壺哨猶恐未陳卽鼓儂參
乎賜也必一貫曰啖口陸俱

通凡尋常可力不自力不畏天顯兼民崑子來不來我亦別溪裏溪處多松檜臨簷草草遠報我愁思滿臆何庸緘

杜鵑

南山北山啼杜鵑杜鵑花發山欲然千枝萬朵惜未得中有一抹巴陵煙休說銅梁并玉壘搖蕩春光餘淚水五丁鑿路少人行石鏡生塵妖骨死東風青鳥來何處中官移植銷魂樹不如歸去便歸家誰其友者揚州花

題韓蘄王湖上騎驢圖

秋風泗水沈周鼎淚溼吳天荆棘冷黃河北岸旌節回信誓如城打不開公邊撤備無人守蟻蝨塵埃生甲冑散盡千兵兒童騎餐來斗飯空壺酒西湖楊柳煙波寒照見從前刀劒綴宮中孰與論頗牧塞上甯知無范韓事去英雄甘老死此手猶能爲公起勸人莫問故將軍身是清涼一居士

畫馬行

涼秋八月霜皓皓白雁驚飛散蓬葆川原蓄牧萬馬來揚鬣攢蹄斲枯草漁陽突騎自有真奚官剪拭傾城鬪素絲結轡美無價繡罽披羈驕向人當塗奮擲森岬壯一旦紛騰入天仗父老東城接鬪雞胡兒內苑隨調象煌煌京洛鳴和鈴犇走萬里如流星筋力追風烏鵠厲精神噴霧蛟

龍冥往年踴躍將一跨寂寞而今空見畫黃金鑄式猶惝
嶸多少地上麒麟行

昭華琯歌

咸陽宮昭華琯白玉琢成三尺短美人南國遙輦來齊謳
趙瑟巧盤迴洞房更衣待月上音伎逐色穿雲開天光搖
地勢動山林冥海水湧犇騰萬騎壓城破錯愕雙矛鏖敵
悚臨洮舉杵送役夫碣石挾弩射鯨魚泗亭夜行老嫗泣
蘄澤秋成妖狐呼一吹吹向樂中變再吹吹作寰內戰天
教漢祖見還驚可惜秦皇驚不見豈伊伶倫懈谷法鳳鳴
節節足足久無聲豈伊後庭伴侶戒亡國璧月瓊枝樂不
得自時厥後日淫荒立部坐部陳絲簧花奴羯鼓打漁陽
祿山舞馬登舞牀昭華吹秦不吹唐嗚呼昭華落何鄉宋
沈尙及萬寶常何如聽風聽水奏伊涼悔不去問龜茲王

觀唐昭陵六駿石像圖

汾陽帝子天下雄起乘六駿卽六龍掃除關河玉腕雪葭
刈隴坂花鬣風長安渭水開前殿梟摧獍殄聞酣戰芻料
登槽徹鼓鉦陣癡著體傳已箭人馬驍矜一代豪治功底
定聖躬勞羽林旌旗曉色靜沙苑監牧秋雲高磊塊拳毛
馱犇騰特勒驃武周金剛驚走趙熒煌颯雲紫錯愕什伐
赤建德世充秋辟易最好青錐骨相殊魁奇更得白蹄烏

千官盡朔山溝域萬騎齊瘖石像圖九嶼寢園壓幽阻太子率更題贊語形容迅奮銀甲鬪汗雨沾濡鐵衣舉周王八駿但周流王母樂燕崑崙丘漢家九駿空逸軌神駒遠產余吾水壯哉六駿古今稀金粟堆南又一時後代子孫曾不見詩人腸斷望雲騅

東吳行

我懷天地開闢初乾動坤靜焉能踰女媧斷鼇立四極鼇足峙峙交相扶窮山絕谷總一水千里萬里澆歸墟就中積陰不得洩日剝月盪淫爲緒似聞東吳薄海際天欲少畀蛟龍居怒颿捲浪類鶻沒漲霧礮石疑鯨吐大田黍稻

七言卷十五

十三

一以盡甯獨岸葦兼汀蘆規撫西方失塔廟想像北里移笙竽甚哉善崩不可築哀爾民物空號呼碣石苞淪豈或有淇園下榘渾如無人言白圭過夏禹歲晚多凍猶徵夫爰居避風亦已久精衛銜木徒區區又聞杭睦二州境前者淫潦忍見屠祗憐吾姬視龜眼孰使汝頭真戴魚洪範五行竟不講春秋災異何其愚從來妖德不相勝幸爲泰階陳六符

送楊文仲歸餘姚

楊君東去山寵縱白髮三年餘種種我來相送出江郊飛絮撲舟煙霧重回思始見色可挹豈恨屢往門能踵芙蓉

映幕雲氣生苜蓿分盤日光動信知邑舍頗清淨疇謂民
屢極單夢芳春有景僅桑麻儉歲無秋徒積穗微科得考
甯敢問案牘持平終不擁閒因武具治救鍛恆啟刑書甦
枯萃惟其異入混瑕垢直以優游傲寵素鷗久蓄衣共
潔瘦馬多騎骨猶聳香凝圖書居自閒味絕葷羶食非允
且將厚本植根莖何況推仁完毡穉嗟哉世事更變化眼
識兒郎盡珪琪臯比擁座早私淑筆墨專場乃真勇劍馳
梁宋或操鐔弦擊邳鄰行繳鷺交游已定肯論心學習相
符須貫統曩從大海泝空闊聊擬翁洲覓鉛瀆蠟屐穿林
草木愁蒲帆壓島鯨鼉悚每令故友役吟夢猶笑青年伏

七言詩卷十五

三

毗隴道途窅窅身更遠勲業悠悠志仍羣送君便欲東過
越龍井泉頭看晴湧三杯一酌後愴然古曲何能效羅噴
次韻傅適道虎陂開舟中

少年解唱邯鄲曲惟有垂楊夾隄綠夜來誰弄焦尾琴彈
作東風雉登木虎陂開裏水生煙荆門山頭星照船爭似
揚州春十里一雙鸞信待君傳

新開河口同方養心望東嶽

羣山突兀來崑崙綿亘萬里如兒孫云何泰山壓東魯峭
立獨作羣山尊高摩蒼穹幾千仞倒入巨海相吐吞風雲
欲納制水旱日月隱見開晨昏嘗思一舉小天下俯視人

世爭誼鄒嶧如錐倚遠翠黃河若帶澆餘渾自從無懷
講封禪金繩石碣半不存文園草文亦已死漢帝需禮終
難論朝馳蒲輪木石老弭玉節虬龍翻世今極治四海
謚事有未舉羣臣奔伊予遠游困羈旅復此翹望愁攀援
偏憐靈芝太古色不到上界勾陳垣浮雲微茫數尺樹落
日慘淡三家村甯知東巡頌功德但祝南面安黎元之人
素謝域中戀誰遣巫陽招爾魂平生空持赤玉舄此去恐
負青霞言苦吟夢入太白雪長嘯衣帶扶桑暎居然飄零
斷地脉久矣恟悅談天根我還呼酒酌蒼蘚笑挾服閭驂
羨門醉中同駕六鼇去何用回首悲乾坤

七言詩卷十五

古

風雨渡揚子江

大江西來自巴蜀直下萬里澆吳楚我從揚子指蒜山舊
讀水經今始睹平生壯志此最奇一葉輕舟傲烟雨怒風
鼓浪屹於城滄海輪潮開水府淒迷瀟灑恍如見滌滌扶
桑杳何所須臾草樹皆動搖稍稍鼉鼉欲掀舞黑雲鯨漲
頗心掉明月貝宮終色侮吟倚金山有暮鐘望窮采石無
朝觴誰歟齒齟能神或有偃身言莫吐向來天塹如有
限日夜軍書費傳羽三楚畸民類魚鼈兩淮大將猶熊虎
錦帆十里徒映空鐵鎖千尋竟然炬桑麻夾岸收戰塵蘆
葦成林出漁戶甯知造物總兒戲且攬長川入樽俎悲哉

險阻惟白波往矣英雄幾黃土獸思萬載疏鑿功吾欲持
觴酌神禹

熊野山徐市廟

大瀛海岸古紀州山石萬仞插海流徐市求仙乃得死紫
芝老盡令人愁就中滿載童兒女南面稱王自民伍蒼劍
凌天化曉雲鐵船赴壑沈秋雨瓊瑯臺上望欲空日出未
出扶桑紅魂漂三神入夢幻淚灑萬鬼爭英雄真人獨見
阜鄉烏奉使遙傳瀉池璧桃源草樹同一香紵嶼蛟龍散
無迹古往今來亦可憐世閒何處有神仙文成五利猶騰
說不惜秦年惜漢年

